



# SLUŽBENE NOVINE OPĆINE ZENICA

GODINA XL  
Broj 4

Petak, 03.07.2014. godine

ISSN 1840-4588

## VIJEĆE OPĆINE

41.

Na osnovu člana 23. Zakona o prostornom planiranju i korištenju zemljišta na nivou Federacije BiH („Službene novine Federacije BiH“, broj: 2/06, 72/07, 32/08, 13/10, 45/10), člana 42. Zakona o prostornom uređenju i građenju („Službene novine Zeničko-dobojskog kantona“, broj 1/14) i člana 22. tačka 5. Statuta općine Zenica („Službene novine Općine Zenica“, broj 4/08), Vijeće općine Zenica na 19. sjednici održanoj 26. juna 2014.godine, donosi

### O D L U K U

#### o pristupanju izradi Izmjene Regulacionog plana „Mokušnice“

##### Član 1.

U cilju prostornog uređenja i izgradnje prostora u obuhvatu zone kolektivne gradnje, pristupa se izradi Izmjene Regulacionog plana „Mokušnice“ (u daljem tekstu Izmjena Regulacionog plana), koji je rađen u ranijem periodu.

##### Član 2.

Obuhvat Izmjene Regulacionog plana iznosi cca 15 ha površine i definisan je sljedećom granicom: početna tačka locirana je na mostu na GGM-u preko rijeke Kočeve, ide desnom obalom Kočeve, zatim skreće i ide sjeverozapadnom granicom parcele k.č.1897 i 1888, ponovo skreće prema jugozapadu i ide granicom parcela k.č.1888, 1889, 1892 obuhvatajući i parcele k.č.1894, 1912, 1925 i 1924, 1925 i 1935, siječe parcelu k.č.1938, nastavlja granicom k.č.1941, siječe k.č.1945 do tačke na granicama k.č.2121, nastavlja ka jugoistoku granicom iste parcele do puta k.č.4231 (ul. Dr. H.Muminagića), ide uz njegovu granicu do granice k.č.3474, obuhvatajući je sa tri strane, nastavlja granicom k.č.3486, siječe k.č.4229 (Ul. Štrosmajerova) do ulice Armije BiH k.č.1422, zatim granicom parcele k.č.1404, skreće ka sjeveroistoku presijecajući parcele k.č.3733, 3732 i 3730, dalje ide granicom parcele k.č.3731 i 3742 do ulice Sarajevska (sada GGM),

skreća ka sjeverozapadu sredinom GGM-a do mosta preko Kočeve do početne tačke.

##### Član 3.

Izmjena Regulacionog plana se donosi za period do donošenja novog planskog dokumenta.

##### Član 4.

Izmjena Regulacionog plana se radi u cilju donošenja provedbene planske dokumentacije za izgradnju objekata stambene, stambeno-poslovne i poslovne namjene s integracijom zatečenog stanja, zatim izgradnju saobraćajne, komunalne i energetske infrastrukture, kao i opremanje društvenom infrastrukturom.

Osnovne smjernice za izradu Izmjene Regulacionog plana su:

- izvršiti geodetsko snimanje postojećeg stanja u prostornom obuhvatu u razmjeri 1:1000. Uz geodetske podloge potrebno je obezbijediti i podatke o posjedovnom stanju i ažurnom katastru komunalne infrastrukture.
- Izvršiti valorizaciju postojećeg stanja, te izvršiti integraciju postojećih u najvećoj mjeri stambenih objekata, u planiranu koncepciju izgradnje i uređenja prostorne cjeline.
- Voditi računa o tretmanu planiranih sadržaja spram postojećih kontaktnih prostornih cjelina – stambenih zona.
- Prostor u obuhvatu tretirati sa svim poslovnim i društvenim sadržajima neophodnim za funkcionisanje.
- Naročitu pažnju posvetiti projektovanju uređenih površina za okupljanje i kretanje pješaka i povezanošću s komunikacijskim tokovima prema susjednim prostornim cjelinama.
- Koncept kolskih saobraćajnica uskladiti prema potrebama planiranih sadržaja, vodeći računa o povezanosti sa susjednim prostornim cjelinama. Obezbijediti potrebne površine za kolski saobraćaj u mirovanju.
- U zavisnosti od prostorne organizacije planirati

izgradnju primarne i sekundarne komunalne, energetske i saobraćajne infrastrukture. Sekundarne saobraćajnice planirati i u funkciji protivpožarnih puteva.

- Izraditi potrebne elaborate i studije, te izvršiti dodatna istraživanja na terenu, ažuriranje podataka i njihovo prilagođavanje potrebama planiranja, kao i drugu dokumentaciju za koju se ukaže potreba u toku izrade Izmjene Regulacionog plana.

#### Član 5.

Rok za izradu Izmjene Regulacionog plana je 12 mjeseci od dana donošenja ove odluke na sjednici Općinskog vijeća Zenica.

#### Član 6.

Nosilac pripreme za izradu Izmjene Regulacionog plana je Općinski načelnik Zenice i Služba za prostorno uređenje (u daljem tekstu: Nosilac pripreme).

Nosilac izrade Izmjene Regulacionog plana je Javno preduzeće za prostorno planiranje i uređenje grada „Zenica“ d.o.o. Zenica (u daljem tekstu: Nosilac izrade).

#### Član 7.

Nosilac izrade Izmjene Regulacionog plana će izraditi Osnovnu koncepciju i dostaviti Nosiocu pripreme na razmatranje i usaglašavanje.

Nakon usvajanja Osnovne koncepcije, Nosilac izrade Izmjene Regulacionog plana će izraditi prednacrt i dostaviti Nosiocu pripreme radi utvrđivanja Nacrta Regulacionog plana.

Nosilac pripreme za izradu Izmjene Regulacionog plana će utvrditi Nacrt Regulacionog plana i podnijeti ga Općinskom vijeću na razmatranje i stavljanje na javni uvid i raspravu u trajanju od 30 dana.

#### Član 8.

Kod izrade Izmjene Regulacionog plana koristiti do sada izrađenu urbanističku dokumentaciju (urbanistička rješenja, stručne ocjene i drugo) i dokumentaciju koja se odnosi na izdata pravosnažna rješenja o urbanističkoj saglasnosti, rješenja o legalizaciji objekata, kao i odobrenja za građenje.

U skladu s navedenim, obavezuju se sve općinske službe, komunalna i javna preduzeća i institucije koje raspolažu dokumentacijom vezanom za izvođenje radova na navedenom lokalitetu, da istu, bez naknade, stave na raspolaganje Nosiocu izrade Regulacionog plana.

#### Član 9.

Sredstva za izradu Izmjene Regulacionog plana će obezbijediti Općina Zenica u Budžetu za 2014. godinu.

#### Član 10.

Izmjenu Regulacionog plana izraditi u skladu sa sadržajem koji je za ovu vrstu planova utvrđen Zakonom o prostornom planiranju i korištenju zemljišta na nivou Federacije Bosne i Hercegovine, Zakonom o prostornom uređenju i građenju ZDK-a, Uredbom o jedinstvenoj metodologiji za izradu planskih dokumenata i drugim uredbama, zakonima, pravilnicima i aktima koji regulišu ovu oblast.

Nosilac izrade dostavlja nosiocu pripreme Regulacioni plan u analognom i digitalnom obliku, kako je definisano odredbama član 74. do 79. Uredbe o jedinstvenoj metodologiji za izradu planskih dokumenata („Službene novine Federacije BiH“, broj: 63/04, 50/07, 84/10).

Nosilac izrade je obavezan pripremiti skraćenu verziju tekstualnog i grafičkog dijela Izmjene Regulacionog plana u odgovarajućoj razmjeri za potrebe uključivanja javnosti u postupak izrade Izmjene Regulacionog plana, prema Programu uključivanja javnosti.

#### Član 11.

Postupak razmatranja i donošenja Izmjene Regulacionog plana će se sprovesti u skladu s odredbama Zakona o prostornom planiranju i korištenju zemljišta na nivou Federacije Bosne i Hercegovine („Službene novine Federacije BiH“, broj: 2/06, 72/07, 32/08 i 4/10), Zakona o prostornom uređenju i građenju („Službene novine Zeničko-dobojskog kantona“, broj: 1/14) i Uredbe o jedinstvenoj metodologiji za izradu planskih dokumenata („Službene novine Federacije BiH“, broj: 63/04, 50/07, 84/10).

#### Član 12.

Odluka stupa na snagu osmog dana od dana objavljivanja u „Službenim novinama Općine Zenica“.

Broj: 01-01-12231/14

Zenica, 26. 06. 2014. godine

**PREDSJEDAVAJUĆI  
VIJEĆA OPĆINE ZENICA  
Nebojša Nikolić, s.r.**

42.

Na osnovu člana 22., 74. i 79. Statuta općine Zenica («Službene novine Općine Zenica», broj: 4/08), člana 12. Odluke o organizaciji mjesne samouprave («Službene novine Općine Zenica», broj:1/10) i člana 37. Poslovnika Vijeća općine («Službene novine Općine Zenica», broj: 2/10) Vijeće općine Zenica na 19. sjednici održanoj 26. juna 2014. godine, donijelo je

### ODLUKU

#### o dodjeli mandata kandidatima za predsjednike i članove savjeta u mjesnim zajednicama

##### Član 1.

Zbog prestanka mandata predsjednika i članova savjeta pojedinih mjesnih zajednica DODJELJUJE SE MANDAT sljedećim kandidatima sa listi za izbor savjeta u sljedećim mjesnim zajednicama:

##### 1. MZ „Drivuša“

**Topić Krunoslavu** dodjeljuje se mandat predsjednika Savjeta MZ „Drivuša“, kao sljedećem kandidatu po broju osvojenih glasova, zbog podnošenja ostavke **Dedić Vernesa** na funkciju predsjednika Savjeta MZ „Drivuša“.

##### 2. MZ „Gornja Zenica“

a) **Durmić Erminu** dodjeljuje se mandat predsjednika Savjeta MZ „Gornja Zenica“, kao sljedećem kandidatu po broju osvojenih glasova, zbog podnošenja ostavke **Heleg Zikreta** na funkciju predsjednika i člana Savjeta MZ „Gornja Zenica“, jer je **Kasimović Aida** dostavila izjavu da odustaje od funkcije predsjednika Savjeta MZ.

b) **Pjanić Enesu** dodjeljuje se mandat člana Savjeta MZ „Gornja Zenica“ kao sljedećem kandidatu po broju osvojenih glasova po osnovu teritorijalnog principa, jer je kandidat **Pjanić Muhamed** dostavio izjavu da odustaje od kandidature za člana Savjeta MZ.

##### 3. MZ „Šerići“

**Husejnović Admiru** dodjeljuje se mandat člana Savjeta MZ „Šerići“ kao sljedećem kandidatu po broju osvojenih glasova, zbog podnošenja ostavke **Bilanović Nevzete** na funkciju člana Savjeta MZ „Šerići“.

##### 4. MZ „Broda“

**Hubljar Belmi** dodjeljuje se mandat člana Savjeta MZ „Broda“ kao sljedećoj po broju osvojenih glasova po osnovu teritorijalnog principa, zbog podnošenja ostavke **Pavlinović Perice** na funkciju člana Savjeta MZ „Broda“.

##### 5. MZ „Bistrica“

**Bekan Mehmedu** dodjeljuje se mandat člana Savjeta MZ „Bistrica“ kao sljedećem kandidatu po broju osvojenih glasova po osnovu teritorijalnog principa, zbog podnošenja ostavke **Oruč Selima** na funkciju člana Savjeta MZ „Bistrica“.

##### 6. MZ „Bistričak“

**Fežić Senadu** dodjeljuje se mandat člana Savjeta MZ „Bistričak“ kao sljedećem kandidatu po broju osvojenih glasova po osnovu teritorijalnog principa, zbog podnošenja ostavke **Fežić Đemila** na funkciju člana Savjeta MZ „Bistričak“.

##### 7. MZ „Staro Radakovo“

**Smaka Jusufu** dodjeljuje se mandat člana Savjeta MZ „Staro Radakovo“ kao sljedećem kandidatu po broju osvojenih glasova po osnovu teritorijalnog principa, zbog podnošenja ostavke **Zec Enesa** na funkciju člana Savjeta MZ „Staro Radakovo“.

##### Član 2.

Ova odluka stupa na snagu danom donošenja i objaviće se u «Službenim novinama općine Zenica».

Broj: 01- 01-12233/14

Zenica, 26. juni 2014. godine

**PREDSJEDAVAJUĆI  
VIJEĆA OPĆINE ZENICA  
Nebojša Nikolić, s.r.**

---

43.

Na osnovu člana 22. tačka 30. Statuta općine Zenica («Službene novine općine Zenica», br. 4/08) i člana 45. Poslovnika Vijeća općine («Službene novine Općine Zenica», br. 2/10), razmatrajući Zahtjev JP «Elektroprivreda BiH», d.d. – Sarajevo br. 07-12608/2014 od 18.04.2014.godine, Vijeće općine Zenica na 17. sjednici održanoj 12. juna 2014.godine, donosi

### ZAKLJUČAK

**o davanju saglasnosti JP «Elektroprivreda BiH», d.d. – Sarajevo za izvođenje istražnih radnji na terenu u cilju provođenja prethodnih aktivnosti za pripremu izgradnje hidroelektrane Kovanići na rijeci Bosni**

#### I

Daje se saglasnost JP «Elektroprivreda BiH», d.d. – Sarajevo za izvođenje istražnih radnji na terenu u cilju provođenja prethodnih aktivnosti za pripremu izgradnje hidroelektrane Kovanići na rijeci Bosni.

#### II

Ovaj zaključak stupa na snagu danom donošenja, a objavit će se u «Službenim novinama Općine Zenica».

Broj:01-01-11483/14  
Zenica, 12.06.2014.g.

**PREDSJEDAVALAČI  
VIJEĆA OPĆINE ZENICA  
Nebojša Nikolić, s.r.**

-----  
**NAČELNIK OPĆINE**

44.

Na osnovu člana 29. tačka 7. Zakona o zaštiti ljudi i materijalnih dobara od prirodnih i drugih nesreća («Službene novine Federacije BiH», broj 39/03, 22/06 i 43/10), člana 31. stav 2. tačka 3. te člana 32. Pravilnika o načinu rada i funkcionisanju štabova i povjerenika CZ («Službene novine Federacije BiH», broj 77/06 i 5/07) i člana 36. tačka 6. i člana 117. Statuta općine Zenica («Službene novine Općine Zenica», broj 4/08), na prijedlog Općinskog štaba civilne zaštite, Načelnik općine Zenica donosi

### NAREDBU

**o proglašenju stanja prirodne nesreće zbog poplava i klizišta na području općine Zenica**

#### I

Ovom Naredbom proglašava se stanje prirodne nesreće zbog poplava i klizišta na području općine Zenica sa danom 15.maja 2014.godine u 8,00 sati.

#### II

Ovom Naredbom za provođenje akcije zaštite i spašavanje ljudi i materijalnih dobara određuju se sljedeće službe i subjekti:

- Služba civilne zaštite,
- Služba za komunalne poslove i ekologiju,
- Služba za društvene djelatnosti i socijalnu zaštitu,
- JP «Vodovod i kanalizacija» d.o.o. Zenica,
- JP za prostorno planiranje i uređenje grada Zenica,
- Privredno društvo «Komgrad ZE» Zenica,
- Privredno društvo «Almy-transport» d.o.o. Zenica,
- Crveni križ općine Zenica,
- JP «RTV Zenica» d.o.o. Zenica,
- savjeti mjesnih zajednica.

#### III

MTS i oprema potrebna u provođenju akcije zaštite i spašavanja, angažovat će se od pravnih lica i službi zaštite i spašavanja iz Pregleda materijalno-tehničkih sredstava i opreme koji čini sastavni dio Procjene ugroženosti ljudi i materijalnih dobara od prirodne i druge nesreće na području općine Zenica.

#### IV

Sredstva za provođenja akcije zaštite i spašavanja obezbijedit će se iz Budžeta općine Zenica za 2014. godinu.

#### V

Akcijom zaštite i spašavanja rukovodiće Općinski štab civilne zaštite Zenica.

#### VI

Ovom Naredbom utvrđuje se obaveza za sve rukovodioce općinskih službi, službi zaštite i spašavanja i mjesnih štabova CZ, za provođenje svih naredbi Općinskog štaba civilne zaštite.

#### VII

Ova Naredba stupa na snagu ODMAH i trajat će dok se ne utvrdi prestanak trajanja stanja prirodne nesreće zbog poplava i klizišta na području općine

Zenica i objavit će se u Službenim novinama Općine Zenica.

Broj: 02-23-8437/14  
Zenica, 15.maj 2014.godine

**NAČELNIK OPĆINE**  
**Husejin Smajlović, s.r.**

**45.**

Na osnovu člana 158. Odluke o komunalnom redu ("Službene novine Općine Zenica" broj : 7 /11 – prečišćen tekst ) i člana 36. tačka 6. Statuta općine Zenica ("Službene novine Općine Zenica", broj : 4/08 ), Načelnik općine Zenica donosi

### **N A R E D B U**

#### **o provođenju protivepidemijske interventne sistematske dezinfekcije,dezinsekcije i deratizacije na području općine Zenica**

#### **I**

Protivepidemijska interventna sistematska dezinfekcija,dezinsekcija i deratizacija na području općine Zenica provest će se u periodu od 11.06. do 21.06.2014. godine.

#### **II**

Izvršilac poslova je JU Zavod za javno zdravstvo Zeničko-dobojskog kantona i JU "Dom zdravlja "Zenica.

#### **III**

Protivepidemijskom interventnom sistematskom dezinfekcijom, dezinsekcijom i deratizacijom će biti obuhvaćeni slijedeći objekti i površine :

1. Javne i zelene površine u pojasu naselja sa koncentrisanim stanovništvom (gradska naselja),
2. Obale površinskih vodotokova u gradskim i prigradskim zonama,
3. Centralne deponije kao i nezvanična ( neorganizovana ) smetlišta u gradskim naseljima,
4. Vaspitno – obrazovni i kulturni objekti i njihovi prostori,
5. Kolektivni centri za smještaj i boravak izbjeglih, prognanih i evakuisanih lica,
6. Objekti javnih zdravstvenih ustanova,
7. Javne ustanove administrativnog karaktera,
8. Individualne stambene zgrade u privatnom vlasništvu u užim zonama gradskih naselja,

9. Vjerski objekti i groblja u gradskim naseljima,
10. Kanalizacione mreže sa šahtovima i izlivnim kolektorima,
11. Objekti i površine javnih preduzeća i organizacija i svih fizičkih, pravnih i ostalih lica uključujući sve uslužne djelatnosti,
12. Stacionirani objekti i sredstva javnog saobraćaja,
13. Objekti za proizvodnju i promet živežnih namirnica i predmeta opće upotrebe ( korisnici i vlasnici istih ),
14. Objekti za pružanje usluga javne higijene,
15. Zajednički prostori stambenih zgrada ( podrumi i tavani ) i
16. Rizična područja zahvaćena poplavom.

#### **IV**

Troškove protivepidemijske interventne sistematske dezinfekcije, dezinsekcije i deratizacije pod rednim brojem 1. do 16. snose Kanton i Općina Zenica iz svojih budžeta.

#### **V**

Subjekti koji podliježu provođenju protivepidemijske interventne sistematske dezinfekcije, dezinsekcije i deratizacije dužni su obezbijediti nesmetan rad izvođačima.U protivnom će biti sankcionisani prema važećim propisima.

#### **VI**

Kontrolu izvođenja akcije na području općine Zenica će provoditi općinski sanitarni inspektor – Gutošić Rabija.

#### **VII**

Naredba stupa na snagu danom donošenja, a objaviće se u "Službenim novinama općine Zenica" i putem sredstava informisanja.

Broj : 02-14-10310/14-1  
Zenica, 05.06. 2014. godine

**NAČELNIK OPĆINE**  
**Husejin Smajlović, s.r.**

46.

Na osnovu člana 14. stav 1. i člana 17. stav 2. Pravilnika o otkrivanju, ocjenjivanju sposobnosti, razvrstavanju i evidenciji djece i mladih ometenih u fizičkom ili psihičkom razvoju («Službene novine ZE-DO kantona») broj 1/12 i člana 117. Statuta općine Zenica («Službene novine Općine Zenica,») broj 4/08 Načelnik Općine Zenica, donosi:

### RJEŠENJE

#### **o izmjeni Rješenja o obrazovanju i imenovanju Prvostepene stručne komisije za ocjenjivanje sposobnosti i razvrstavanju djece i mladih ometenih u fizičkom ili psihičkom razvoju**

##### I

U Rješenju broj 02-05-2012/12 od 18.05.2012. godine («Sl. novine Općine Zenica» broj 6/12) u članu 2. mijenja se i glasi:

Imenuju se zamjenski članovi komisije i to:

Mensura Zlatić –pedijatar  
Lejla Ćurovac-Haračić –neuropsihijatar  
Kenan Kurić – fizijatar  
Smaragda Kartal – oftamolog  
Haris Hatibović – otorinolaringolog  
Aida Omeragić – psiholog  
Mubera Gulam –Bajramović –edukator rehabilitator oligofrenolog  
Samra Muratović-Sadibašić – edukator rehabilitator logoped  
Samira Čaušević-Džanan –socijalni radnik

##### II

Član 6. Rješenja mijenja se i glasi:

Administrativne poslove za potrebe Komisije obavljat će sekretar komisije. Naknada za rad sekretara komisije utvrđuje se u neto iznosu od 10,00 KM po jednom obrađenom predmetu za uzrast školske djece. U odsustvu sekretara komisije, poslove zamjenskog člana obavljat će Nermina Džidić uposlenica Centra za socijalni rad Zenica.

##### III

Ovo Rješenje stupa na snagu danom donošenja i objaviće se u Službenim novinama općine Zenica.

Broj: 02- 14-8093/14  
Zenica: 07.05.2014.godine

**NAČELNIK OPĆINE  
Husejin Smajlović, s.r.**

47.

Na osnovu člana 36. tačka 6. Statuta Općine Zenica («Službene novine Općine Zenica», broj 4/08) i člana 16. Odluke o organizaciji općinske uprave («Službene novine Općine Zenica», br. 3/02), na prijedlog Službe za društvene djelatnosti i socijalnu zaštitu, Načelnik općine Zenica, donosi

### RJEŠENJE

#### **o imenovanju članova Komisije za ocjenu prijedloga projekata po Javnom pozivu upućenom organizacijama civilnog društva za dostavljanje prijedloga projekata u općini Zenica u 2014. godini.**

##### Član I

U sastav Komisije za ocjenu projektnih prijedloga po javnim pozivima za organizacije civilnog društva u 2014. godini u ime organizacija civilnog društva imenuju se sljedeći predstavnici i zamjenici, koji su izabrani voljom većine OCD-a na sastanku održanom dana 24.04.2013. godine:

1. Melisa Haćimić-Ljubović, predstavnik OCD sa područja općine Zenica-član  
Harun Aliefendić, zamjenik predstavnika OCD-zamjenik člana
2. Nermina Zubača, predstavnik OCD sa područja općine Zenica-član  
Zijada Kurtodža-Vučak, zamjenik predstavnika OCD-zamjenik člana

##### Član II

U sastav Komisije za ocjenu prijedloga projekata po javnim pozivima za organizacije civilnog društva u 2014. godini u općini Zenica u ime Općine imenuju se sljedeći predstavnici:

1. Zijad Softić, pomoćnik Načelnika-predsjednik komisije
2. Selmir Čolaković, stručni saradnik za civilni sektor/NVO sektor-član
3. Miralem Redžić, stručni saradnik za pitanja mladih-član

##### Član III

Komisija predstavlja tijelo koje provodi ocjenjivanje pristiglih prijedloga projekata. Svi članovi Komisije imaju jednaka prava i obaveze. Komisija ima zadatak da izvrši ocjenu i odabir svih pristiglih prijedloga projekata po Javnom pozivu upućenom organizacijama

civilnog društva za dostavljanje prijedloga projekata u općini Zenica u 2014. godini. Komisija predlaže projekte za finansiranje u okviru raspoloživih sredstava opredijeljenih po Javnom pozivu.

#### Član IV

Ovo rješenje stupa na snagu danom donošenja, a objavit će se u "Službenim novinama Općine Zenica".

Broj:02- 14-6502 /14  
Zenica, 21.04.2014. godine.

**NAČELNIK OPĆINE**  
**Husejin Smajlović, s.r.**

48.

Na osnovu člana 10. tačka 4. Zakona o udruženjima i fondacijama («Službene novine FBiH», broj:45/02) i člana 36. tačka 19. Statuta općine Zenica («Službene novine Općine Zenica», broj 4/08) Načelnik općine Zenica, donosi

#### ZAKLJUČAK

##### o odobravanju unošenja naziva općine Zenica u naziv udruženja

#### I

Udruženju građana Omladinska radna akcija «Pomozi bližnjem svom», Omladinska radna brigada «Zenica» odobrava se korištenje i unošenje u naziv udruženja naziva općine «Zenica».

#### II

Ovaj zaključak stupa na snagu danom donošenja, a objavit će se u "Službenim novinama Općine Zenica".

Broj: 02-49-10849/14  
Zenica, 05.06.2014. godine

**NAČELNIK OPĆINE**  
**Husejin Smajlović, s.r.**

49.

Na osnovu člana 36. stav 2. i 3, a u vezi sa članom 56. stav 2. Zakona o pravobranilaštvu („Službene novine ZE-DO kantona“, broj 12/13) i člana 36. Statuta općine Zenica („Službene novine Općine Zenica“, broj 4/08) Načelnik općine Zenica, donosi

#### ZAKLJUČAK

##### o davanju ovlaštenja za obavljanje poslova općinskog pravobranioca

#### I

Državni službenik **SPAHIĆ JASENKA, dipl. pravnik**, na poslovima „stručni savjetnik“ u Upravi za imovinsko-pravne poslove i katastar nekretnina, ovlašćuje se da obavlja poslove općinskog pravobranioca Općine Zenica do osnivanja Općinskog pravobranilaštva Zenica, a najduže godinu dana.

#### II

Državni službenik iz tačke 1. ispunjava uslove za zamjenika općinskog pravobranioca propisane u članu 35. stav 2. Zakona o pravobranilaštvu i ostvaruje sva prava kao zamjenik općinskog pravobranioca shodno odredbi člana 36. stav 3. Zakona.

Za vrijeme obavljanja poslova iz tačke I službeniku sa ovlaštenjem će se obračunavati plata sa koeficijentom propisanim za poziciju zamjenika pravobranioca Odlukom o plaćama i naknadama plaća zaposlenika općinskih organa Zenica („Službene novine Općine Zenica“, broj 8/13), tj. koeficijent 5,7.

#### III

Državni službenik iz tačke 1. ovlašćuje se za primopredaju sa Kantonalnim pravobranilaštvom svih spisa predmeta u sudskim i upravnim postupcima u kojima je Pravobranilaštvo zastupalo Općinu Zenica, osim predmeta u sudskim postupcima koje je Kantonalno pravobranilaštvo Zenica pokrenulo u ime Općine Zenica, odnosno u kojima zastupa Općinu Zenica na prijedlog JP za prostorno planiranje i uređenje grada „Zenica“ Zenica - zbog neplaćanja naknada za korištenje građevinskog zemljišta, komunalnih naknada, naknada na ime zakupa javnih površina, te drugim postupcima iz nadležnosti Javnog preduzeća, za koje će se izvršiti primopredaja između Kantonalnog pravobranilaštva i Javnog preduzeća.

O primopredajama iz stava 1. ove tačke potpisao će se poseban Protokol.

Međusobni odnosi između Kantonalnog pravobranilaštva i Općine Zenica će se regulirati Protokolom.

#### IV

Ovaj zaključak stupa na snagu danom donošenja, a objaviće se u "Službenim novinama Općine Zenica".

Broj: 02-49-9021/14-1  
Zenica, 26.05.2014. godine

**NAČELNIK OPĆINE**  
**Husejin Smajlović, s.r.**

50.

Na osnovu člana 29. Zakona o ustanovama («Službeni list RBiH», br.6/92, 8/93 i 13/94) i člana 36. i 117. Statuta općine Zenica («Službene novine Općine Zenica», broj:4/08), Načelnik općine Zenica, d o n o s i

### ZAKLJUČAK

#### O davanju saglasnosti za imenovanje direktora JU Bosanskog narodnog pozorišta Zenica

##### I

Daje se saglasnost za imenovanje doc. dr. Hazima Begagića, za direktora JU Bosansko narodno pozorište Zenica, koji će dužnost direktora nastaviti obavljati od 01.06.2014. godine, na mandatni period od četiri (4) godine.

##### II

Ovaj Zaključak stupa na snagu danom donošenja i objaviće se u «Službenim novinama Općine Zenica».

Broj: 02-49-10749/14  
Zenica, 10.06.2014.godine

**NAČELNIK OPĆINE**  
**Husejin Smajlović, s.r.**

51.

Na osnovu člana 36. tačka 5. i 6. Statuta općine Zenica («Službene novine Općine Zenica» br. 4/08), člana 23. i 35. stav 1. Statuta Javnog preduzeća za prostorno planiranje i uređenje grada «Zenica» d.o.o. Zenica («Službene novine Općine Zenica» br. 6/2008), a u vezi sa članom 12. Zakona o javnim preduzećima u Federaciji Bosne i Hercegovine («Sl. novine FBiH» br. 8/05, 81/08 i 22/09), Načelnik općine Zenica, d o n o s i

### ZAKLJUČAK

#### o davanju saglasnosti na Rješenje o imenovanju direktora Javnog preduzeća za prostorno planiranje i uređenje grada «Zenica» d.o.o. Zenica

##### I

Daje se saglasnost na Rješenje o imenovanju Mirsad Helega, dipl.ing.arh., iz Zenice, za direktora Javnog preduzeća za prostorno planiranje i uređenje grada «Zenica» d.o.o. Zenica br. 03-1-5.933/14 od 07.05.2014. godine.

##### II

Ovaj Zaključak stupa na snagu danom donošenja i objaviće se u «Sl. novinama Općine Zenica».

Broj: 02-14-8534/14  
Zenica, 16. maj 2014. godine

**NAČELNIK OPĆINE**  
**Husejin Smajlović, s.r.**

52.

Na osnovu člana 59. Zakona o budžetima u FBiH («Službene novine FBiH» broj: 102/13, 9/14 i 13/14), člana 24. Odluke o izvršavanju budžeta Općine Zenica za 2014. godinu («Službene novine Općine Zenica» broj 02/14) i Uputstva Općine Zenica o prestrukturiranju i preraspodjeli odobrenih budžetskih sredstava, broj: 02-14-20277/13 od 13.11.2013. godine, na zahtjev Službe za komunalne poslove i ekologiju, Načelnik općine Zenica donosi

### ZAKLJUČAK

#### o preraspodjeli sredstava u Budžetu općine Zenica za 2014. godinu

##### I

Odobrava se preraspodjela sredstava Budžeta općine Zenica za 2014. godinu na organizacionom kodu 16010001 – Služba za komunalne poslove i ekologiju.

##### II

Preraspodjela sredstava iz tačke I vrši se na sljedeći način:

##### Umanjuje se:

- ekonomski kod 613300, budžetska pozicija 89 - «Izdaci za komunalne usluge (čišćenje riječnih korita i zbrinjavanje animalnog otpada) «za iznos od 1.500,00 KM.

##### Povećava se:

- nova budžetska pozicija: ekonomski kod 613600, budžetska pozicija 89A - «Unajmljivanje imovine» u iznosu od 1.500,00 KM.

##### III

Za realizaciju ovog Zaključka zadužuju se Služba za komunalne poslove i ekologiju i Služba za budžet i finansije



**IV**

Ovaj Zaključak stupa na snagu danom donošenja, a objavit će se u "Službenim novinama Općine Zenica".

Broj: 02- 14-8831/14  
Zenica, 22.05.2014. godine

**NAČELNIK OPĆINE**  
**Husejin Smajlović, s.r.**

-----  
**USTAVNI SUD FBiH**

**53.**

Ustavni sud Federacije Bosne i Hercegovine odlučujući o ustavnom pitanju koje je predočio Kantonalni sud u Zenici za utvrđivanje ustavnosti Odluke o izmjenama i dopunama Odluke o komunalnim pristojbama koju je donijelo Općinsko vijeće Zenica, na temelju, članka IV.C.10.(4) Ustava Federacije Bosne i Hercegovine, a u svezi s Amandmanima LII i XCVI na Ustav Federacije Bosne i Hercegovine, na sjednici bez javne rasprave održanoj dana 13.05.2014. godine, donio je

**P R E S U D U**

1. Utvrđuje se da Odluka o izmjenama i dopunama Odluke o komunalnim pristojbama ("Službene novine Općine Zenica, broj 5/09) u dijelu koji se odnosi na Tarifu općinskih komunalnih pristojbi – Tarifni broj: 1., nije u suglasnosti sa Ustavom Federacije Bosne i Hercegovine.
2. Presudu objaviti u "Službenim novinama Federacije BiH" i "Službenim novinama Općine Zenica".

**O b r a z l o ž e n j e****1. Podnositelj zahtjeva**

Kantonalni sud u Zenici (u daljnjem tekstu: podnositelj zahtjeva) u postupku rješavanja upravnog spora, broj: 04 0 U 005792 13 U, od 13.09.2013. godine, po tužbi tužitelja "PETICA PLUS" d.o.o. Vitez iz Viteza, protiv rješenja tuženika Federalnog ministarstva finansija/Federalnog ministarstva financija Sarajevo, broj: 07-15-1688/10, od 05.12.2011. godine, u upravnoj stvari razreza komunalne pristojbe za istaknutu tvrtku predočio je dana 10.12.2013. godine Ustavnom sudu Federacije Bosne i Hercegovine (u daljnjem tekstu: Ustavni sud Federacije), ustavno pitanje (u daljnjem

tekstu: zahtjev) za utvrđivanje ustavnosti Odluke o izmjenama i dopunama Odluke o komunalnim pristojbama, broj: 01-01-1526/09, koju je donijelo Općinsko vijeće Zenica, na sjednici održanoj dana 30.09.2009. godine (u daljnjem tekstu: osporena Odluka).

**2. Stranke u postupku**

Stranke u postupku u ovom predmetu su, suglasno članku 39. st. 1. i 2. Zakona o postupku pred Ustavnim sudom Federacije Bosne i Hercegovine ("Službene novine Federacije BiH", br. 6/95 i 37/03), Kantonalni sud u Zenici, "PETICA PLUS" d.o.o. Vitez, Federalno ministarstvo finansija/Federalno ministarstvo financija Sarajevo i Općinsko vijeće Zenica kao donositelj osporene Odluke.

**3. Bitni navodi podnositelja zahtjeva**

Pred Kantonalnim sudom u Zenici tijekom postupka rješavanja upravnog spora po tužbi tužitelja „PETICA PLUS“ d.o.o Vitez, iz Viteza, protiv navedenog rješenja Federalnog ministarstva finansija/Federalnog ministarstva financija Sarajevo pojavilo se kao prethodno pitanje da li je osporena Odluka sukladna Ustavu Federacije Bosne i Hercegovine. U zahtjevu se navodi da osporena Odluka u dijelu koji se odnosi na Tarifu komunalnih pristojbi nije sukladna odredbama članka II.2.(1) c) Ustava Federacije Bosne i Hercegovine, kojim je propisano da sve osobe na teritoriji Federacije Bosne i Hercegovine uživaju pravo na jednakost pred zakonom. Osporenom Odlukom se utvrđuje visina godišnje pristojbe u bitno različitim iznosima, bez bilo kakvih realno utvrđenih kriterija za različito utvrđene iznose pristojbe. Podnositelj zahtjeva ističe da Općinsko vijeće Zenica u Tarifi osporene Odluke, visinu godišnje pristojbe veže za djelatnost koju fizička odnosno pravna osoba obavlja, što kako navodi ne može biti relevantan kriterij za određivanje različite visine pristojbe za istaknutu tvrtku. Podnositelj zahtjeva smatra, da odredbe Tarife komunalnih pristojbi, kao sastavnog dijela osporene Odluke nisu sukladne Ustavu Federacije Bosne i Hercegovine, iz razloga navedenih u brojnim presudama Ustavnog suda Federacije, navodeći za primjer Presudu broj: U-14/13, od 26.06.2013. godine. Stoga, Kantonalni sud u Zenici podnosi ovaj zahtjev, kako bi Ustavni sud Federacije nakon održane sjednice donio presudu kojom će utvrditi da li je osporena Odluka u suglasnosti sa Ustavom Federacije Bosne i Hercegovine.

#### 4. Bitni navodi odgovora na zahtjev

Ustavni sud Federacije, dana 17.12.2013. godine, zatražio je od Općinskog vijeća Zenica, tvrtke "PETICA PLUS" d.o.o Vitez, i Federalnog ministarstva finansija/Federalnog ministarstva financija Sarajevo da dostave odgovor na navode iz zahtjeva.

Općinsko vijeće Zenica, dana 24.12. 2013. godine, dostavilo je odgovor u kojem se ističe da je osporena Odluka donesena sukladno članku 13. točka c) Zakona o pripadnosti javnih prihoda u Federaciji Bosne i Hercegovine ("Službene novine Federacije BiH", br. 22/06,43/08 i 22/09), kojim je propisano da pored udjela u raspodjeli prihoda iz članka 6. ovog zakona, jedinicama lokalne samouprave pripadaju i drugi javni prihodi: naknade i pristojbe sukladno propisima jedinica lokalne samouprave. Dalje ističe, da je osporena Odluka utemeljena na odredbama čl. 36. i 37. Zakona o načelima lokalne samouprave u Federaciji Bosne i Hercegovine ("Službene novine Federacije BiH", br. 49/06 i 51/09), kojim je definirano da u zakonom propisanim okvirima, jedinice lokalne samouprave donose propise o naknadama i pristojbama, kao i provedbene propise o oporezivanju. Na isti način je člankom 37. pomenutog Zakona utvrđeno da jedinicama lokalne samouprave pripadaju prihodi: a) vlastiti prihodi – porezi za koje jedinice lokalne samouprave samostalno određuju stopu sukladno zakonu i lokalne pristojbe i naknade čije iznose utvrđuje općinsko vijeće sukladno zakonu. Općinsko vijeće dalje ističe, da je Ustavni sud Federacije u Presudi ovog Suda, broj: U-24/08 od 17.03.2009. godine, utvrdio da Odluka o izmjenama i dopunama Odluke o komunalnim pristojbama („Službene novine Općine Zenica“, broj: 2/07) u odnosu na Tarifu komunalnih pristojbi - Tarifni broj: 1. nije u suglasnosti sa Ustavom Federacije Bosne i Hercegovine. Nakon ove presude, Općinsko vijeće Zenica donijelo je osporenu Odluku, u kojoj je izvršeno usuglašavanje prema uputama iz Presude ovog Suda, broj: U-24/08 od 17.03.2009. godine, tako da je osporena Odluka izmijenjena na način da su visine pristojbe na istaknutu tvrtku utvrđene prema zonama, odnosno područjima grada u kojem je istaknuta tvrtka, odnosno područjima gdje je sjedište tvrtke, uz utvrđivanje različitog iznosa pristojbe za pojedine djelatnosti. U odgovoru se ističe da pored zona ili područja na kojem je sjedište tvrtke i vrsta djelatnosti treba biti objektivni kriterij za propisivanje pristojbe na istaknutu tvrtku.

Dana 17.01.2014. godine Ustavnom sudu Federacije, dostavljen je odgovor tvrtke „PETICA PLUS“ d.o.o Vitez, u kojem se ističe da je ovaj stranci kao tužitelju u postupku

u svezi pristojbenih obveza, izvršen razrez komunalne pristojbe za istaknutu tvrtku za 2010. godinu u iznosu od 6.800, 00 KM na temelju osporene Odluke koja je donesena nakon Presude Ustavnog suda Federacije, broj: U-24/08, od 17.03.2009. godine, kojom je ovaj Sud utvrdio nesuglasnost Odluke o izmjenama i dopunama Odluke o komunalnim pristojbama („Službene novine Općine Zenica“, broj: 2/07) koju je donijelo Općinsko vijeće Zenica i za koju je ovaj Sud utvrdio da Tarifom komunalnih pristojbi nisu propisani objektivni kriteriji za utvrđivanje visine predmetne pristojbe, jer je visina godišnje pristojbe na istaknutu tvrtku određena na temelju kriterija djelatnost obveznika, što prema navodima ove tvrtke nije objektivni kriterij, te je neutemeljeno propisana pristojba u bitno različitim iznosima, tako da imatelji tvrtki nemaju jednakost pred zakonom zajamčenu odredbama članka II.A.2. (1) c) Ustava Federacije Bosne i Hercegovine. U odgovoru se dalje ističe, da je osporenim Odlukom iz 2009. godine, ustanovljena Tarifa komunalnih pristojbi koja se bitno ne razlikuje od ranije Tarife komunalnih pristojbi spomenute u Presudi ovog Suda, broj: U-24/08 od 17.03.2009. godine i njene neustavnosti, iz razloga što su ponovno utvrđene različite visine komunalnih pristojbi na istaknutu tvrtku, a bitne razlike pristojbe opredijeljene su kriterijem djelatnosti obveznika, sukladno Tarifi broj:1. Djelatnosti koje opredjeljuju visinu pristojbe definirane su u okviru zone gradskog područja opredjeljujući kriterij: djelatnost imatelja tvrtke, pa se razlika u visini pristojbe isključivo svodi na djelatnost koju vrši imatelj tvrtke, dok je kriterij pogodnosti po zonama zanemariv, te bitno ne utječe na visinu utvrđenu na temelju djelatnosti. Na kraju odgovora se ponovno ističe, da se osporenim Odlukom narušava ustavno načelo jednakosti pred zakonom jer visina predmetne pristojbe u najvećoj mjeri ovisi od vrste djelatnosti, te i ako je uz ovaj kriterij u konkretnom slučaju dodat i kriterij položajne djelatnosti po zonama grada, i dalje ostaje neprihvatljiv, iz razloga što je dominantan, kriterij djelatnosti, koji ne može biti mjerilo za visinu predmetne pristojbe. U odgovoru se također kao potvrda svemu navedenom, navodi i sudska praksa Ustavnog suda Federacije, presude: U-36/12, od 26.02.2013. godine, U-14/13, od 26.06.2013. godine, u kojima je utvrđeno da kriterij djelatnosti ne može biti relevantan kriterij za propisivanje različite visine pristojbe na istaknutu tvrtku. S tim u svezi, predlažu Sudu da donese presudu kojom će utvrditi da osporena Odluka nije suglasna odredbama Ustava Federacije Bosne i Hercegovine.

#### 5. Relevantno pravo

*A. Ustav Federacije Bosne i Hercegovine*

**Članak II.A.2.(1) c)**

sukladno zakonu;

*Federacija će osigurati primjenu najvišeg nivoa međunarodno priznatih prava i sloboda utvrđenih u dokumentima navedenim u Aneksu ovog ustava, posebice:*

**(1) Sve osobe na teritoriji Federacije uživaju prava na:**

**c) jednakost pred zakonom**

**Članak VI. 4. c)**

*Općinsko vijeće:*

**c) donosi druge propise o izvršavanju općinskih nadležnosti**

**AMANDMAN VIII**

**točka d) na Ustav Federacije Bosne i Hercegovine**

*Članak III. 1. Ustava Federacije Bosne i Hercegovine mijenja se i glasi:*

*“U isključivoj su nadležnosti Federacije:*

*d) donošenje propisa o financijama financijskim institucijama Federacije i fiskalna politika Federacije.*

**B. Zakon o pripadnosti javnih prihoda u Federaciji Bosne i Hercegovine**

*(„Službene novine Federacije BiH”, broj 22/06, 43/08 i 22/09)*

**Članak 13. stavak 1. točka c)**

*Pored udjela u raspodjeli prihoda iz članka 6. ovog zakona, jedinicama lokalne samouprave pripadaju i drugi javni prihodi kako slijedi:*

*c) naknade i pristojbe sukladno propisima jedinica lokalne samouprave.*

**C. Zakon o načelima lokalne samouprave u Federaciji Bosne i Hercegovine**

*(„Službene novine Federacije BiH”, broj 49/06 i 51/09)*

**Članak 13. stavak 2. alineja 4.**

*Organ odlučivanja jedinice lokalne samouprave je općinsko vijeće u općini, a gradsko vijeće u gradu (u daljnjem tekstu: vijeće)*

*Vijeće u okviru svojih nadležnosti:*

*- donosi propise o porezima, pristojbama, naknadama i doprinosima jedinice lokalne samouprave*

**D. Sudska praksa Ustavnog suda Federacije**

*Presude: br. U-24/08, od 17.03.2009. godine, U-36/12, od 26.02.2013. godine U-14/13, od 26.06.2013. godine, i druge brojne presude ovog Suda.*

**6. Činjenično stanje i stav Suda**

Ustavni sud Federacije je utvrdio da nema činjeničnih pitanja koja bi trebalo neposredno razjasniti na javnoj raspravi, pa je sukladno članku 13. stavak 1. odnosno članku 25. Poslovnika Ustavnog suda Federacije Bosne i Hercegovine („Službene novine Federacije BiH“, broj: 40/10) održao sjednicu bez javne rasprave, na kojoj je razmotrio osporenu Odluku, zahtjev podnositelja, odgovor na zahtjev, relevantne odredbe Ustava Federacije Bosne i Hercegovine, odredbe zakona Federacije Bosne i Hercegovine i ustavnosudsku praksu ovog Suda.

Polazeći od navedenih ustavnih i zakonskih odredbi Ustavni sud Federacije je utvrdio da je Općinsko vijeće Zenica, ovlašteno donositi propise o uređenju naknada i pristojbi na svom području, pa iz tih razloga postoji ustavni i zakonski temelj za donošenje osporene Odluke.

Na temelju navoda iznesenih u zahtjevu podnositelja, te navoda iz odgovora na zahtjev od strane Općinskog vijeća Zenica, Ustavni sud Federacije utvrdio je relevantne činjenice za odlučenje u ovom ustavno-pravnom predmetu, koje se mogu svesti na pitanje, da li je vrsta djelatnosti relevantan i objektivan kriterij za propisivanje visine pristojbe za naziv tvrtke, te da li je u tom dijelu osporena Odluka sukladna Ustavu Federacije Bosne i Hercegovine.

Razmatrajući osporenu Odluku, kao i Tarifu komunalnih pristojbi na istaknutu tvrtku, koja je implementirana u dio osporene Odluke Općinskog vijeća Zenica, evidentno je da i nakon donošenja Presude ovog Suda, broj: U-24/08 od 17.03.2009. godine, djelatnost pravne odnosno fizičke osobe ostaje kao relevantan kriterij za određivanje visine komunalne pristojbe na istaknutu tvrtku. Ustavni sud Federacije je u brojnim presudama kao što su: U-31/07, od 27.05.2009. godine, U-5/09, od 13.10.2009. godine, U-12/11, od 04.10.2011. godine, U-36/12, od 26.02.2013. godine, utvrdio povredu prava na jednakost pred zakonom u svim slučajevima u kojima je kao relevantan kriterij za propisivanje pristojbe (naknade ili poreza) na istaknuti natpis tvrtke, nadležno općinsko vijeće propisalo vrstu

djelatnosti koju obveznik obavlja. Ustavni sud Federacije je stanovišta da vrsta djelatnosti ne može biti relevantan kriterij za propisivanje različitih visina pristojbi za istaknuti natpis tvrtke. U konkretnom slučaju, u pitanju je zakonska obveza osnivatelja da istakne naziv tvrtke, pa bi objektivan i relevantan kriterij za propisivanje visine pristojbe bio, npr. zona grada u kojem se nalazi sjedište, veličina istaknutog natpisa tvrtke, niskoakumulativne djelatnosti i dr., što je utvrđeno u nekoliko odluka ovog Suda.

Stoga je Ustavni sud Federacije odlučio kao u izreci utvrdivši da se ovim povrjeđuje ustavna odredba o jednakosti pred zakonom tj. članak II.A.2.(1) c) Ustava Federacije Bosne i Hercegovine.

Ovu presudu Ustavni sud Federacije donio je jednoglasno u sastavu: dr. sc. Kata Senjak, predsjednica Suda, Sead Bahtijarević, Vesna Budimir, Mirjana Čučković, Domin Malbašić, Aleksandra Martinović i prof. dr. Edin Muminović, suci Suda.

**Broj: U-65/13**  
13.05.2014. godine  
S a r a j e v o

**Predsjednica**  
**Ustavnog suda Federacije**  
**Bosne i Hercegovine**  
**dr. sc. Kata Senjak, v.r.**

## SADRŽAJ

### VIJEĆE OPĆINE

- |  |   |
|--|---|
| 41. Odluka o pristupanju izradi Izmjene Regulacionog plana „Mokušnice“.....  | 1 |
| 42. Odluka o dodjeli mandata kandidatima za predsjednike i članove savjeta u mjesnim zajednicama.....  | 3 |
| 43. Zaključak o davanju saglasnosti JP «Elektroprivreda BiH», d.d. – Sarajevo za izvođenje istražnih radnji na terenu u cilju provođenja prethodnih aktivnosti za pripremu izgradnje hidroelektrane Kovanići na rijeci Bosni ..... | 4 |

### NAČELNIK OPĆINE

- |   |   |
|---|---|
| 44. Naredba o proglašenju stanja prirodne nesreće zbog poplava i klizišta na području općine Zenica.....  | 4 |
| 45. Naredba o provođenju protivepidemijske interventne sistematske dezinfekcije, dezinskcije i deratizacije na području općine Zenica .....   | 5 |
| 46. Rješenje o izmjeni Rješenja o obrazovanju i imenovanju Prvostepene stručne komisije za ocjenjivanje sposobnosti i razvrstavanje djece i mladih ometenih u fizičkom ili psihičkom razvoju.....             | 6 |
| 47. Rješenje o imenovanju članova Komisije za ocjenu prijedloga projekata po Javnom pozivu upućenom organizacijama civilnog društva za dostavljanje prijedloga projekata u općini Zenica u 2014. godini. .... | 6 |
| 48. Zaključak o odobravanju unošenja naziva općine Zenica u naziv udruženja.....  | 7 |
| 49. Zaključak o davanju ovlaštenja za obavljanje poslova općinskog pravobranioca.....   | 7 |
| 50. Zaključak o davanju saglasnosti za imenovanje direktora JU Bosanskog narodnog pozorišta Zenica .....  | 8 |
| 51. Zaključak o davanju saglasnosti na Rješenje o imenovanju direktora Javnog preduzeća za prostorno planiranje i uređenje grada “Zenica” d.o.o. Zenica .....   | 8 |
| 52. Zaključak o preraspodjeli sredstava u Budžetu općine Zenica za 2014. godinu .....   | 8 |

### USTAVNI SUD FBiH

- |                  |   |
|------------------|---|
| 53. Presuda..... | 9 |
|------------------|---|

**IZDAVAČ:** Općina Zenica, Trg BiH broj 6. ● **GLAVNI I ODGOVORNI UREDNIK:** Selver Keleštura, sekretar Općine - Telefon: 032/401-215 ● **ŠTAMPA:** NIPD “Naša riječ“ d.o.o. Zenica ● **PRETPLATA:** Godišnja pretplata uplaćuje se na transakcijski račun Općine Zenica - Budžet Općine, broj: 134-010-0000042994